

\_\_\_\_年\_\_\_\_班\_\_\_\_號 姓名: \_\_\_\_\_

題號	詩題 作者	韻文內容	家長 簽名
1	和晉陵陸丞早春望 唐-杜審言	獨有宦遊人，偏驚物候新。 雲霞出海曙，梅柳渡江春。 淑氣催黃鳥，晴光轉綠蘋。 忽聞歌古調，歸思欲沾巾。	
2	次北固山下 唐-王灣	客路青山下，行舟綠水前。 潮平兩岸闊，風正一帆懸。 海日生殘夜，江春入舊年。 鄉書何處達，歸雁洛陽邊。	
3	題破山寺後禪院 唐-常建	清晨入古寺，初日照高林。 竹徑通幽處，禪房花木深。 山光悅鳥性，潭影空人心。 萬籟此俱寂，但餘鐘磬音。	
4	野望 唐-王績	東臯薄暮望，徙倚欲何依。 樹樹皆秋色，山山唯落暉。 牧人驅犢返，獵馬帶禽歸。 相顧無相識，長歌懷採薇。	
5	蘇武廟 唐-溫庭筠	蘇武魂銷漢使前，古祠高樹兩茫然。 雲邊雁斷胡天月，隴上羊歸塞草煙。 迴日樓臺非甲帳，去時冠劍是丁年。 茂陵不見封侯印，空向秋波哭逝川。	
6	貧女 唐-秦韜	蓬門未識綺羅香，擬託良媒亦自傷。 誰愛風流高格調，共憐時世儉梳妝。 敢將十指誇鍼巧，不把雙眉鬥畫長。 苦恨年年壓金線，為他人作嫁衣裳。	
7	蜀相 唐-杜甫	丞相祠堂何處尋，錦官城外柏森森。 映階碧草自春色，隔葉黃鸝空好音。 三顧頻煩天下計，兩朝開濟老臣心。 出師未捷身先死，長使英雄淚滿襟。	
8	送魏萬之京 唐-李頎	朝聞遊子唱驪歌，昨夜微霜初渡河。 鴻雁不堪愁裡聽，雲山況是客中過。 關城樹色催寒近，御苑砧聲向晚多。 莫見長安行樂處，空令歲月易蹉跎。	
9	過零丁洋 宋-文天祥	辛苦遭逢起一經，干戈寥落四周星。 山河破碎風飄絮，身世浮沉雨打萍。 惶恐灘頭說惶恐，零丁洋裡嘆零丁。 人生自古誰無死，留取丹心照汗青。	

\_\_\_\_年\_\_\_\_班\_\_\_\_號 姓名: \_\_\_\_\_

題號	詩題作者	韻文內容	家長簽名
10	短歌行 魏曹操	<p>對酒當歌，人生幾何？ 譬如朝露，去日苦多。 慨當以慷，憂思難忘。 何以解憂？惟有杜康。 青青子衿，悠悠我心。 但為君故，沉吟至今。 呦呦鹿鳴，食野之苹。 我有嘉賓，鼓瑟吹笙。 明明如月，何時可掇？ 憂從中來，不可斷絕。 越陌度阡，枉用相存。 契闊談讌，心念舊恩。 月明星稀，烏鵲南飛。 繞樹三匝，何枝可依？ 山不厭高，海不厭深。 周公吐哺，天下歸心。</p>	
11	將進酒 唐李白	<p>君不見黃河之水天上來， 奔流到海不復回； 君不見高堂明鏡悲白髮， 朝如青絲暮成雪。 人生得意須盡歡，莫使金樽空對月。 天生我材必有用，千金散盡還復來。 烹羊宰牛且為樂，會須一飲三百杯。 岑夫子，丹丘生，將進酒，君莫停。 與君歌一曲，請君為我傾耳聽。 鐘鼓饌玉不足貴，但願常醉不願醒。 古來聖賢皆寂寞，惟有飲者留其名。 陳王昔時宴平樂，鬥酒十千恣謔。 主人何為言少錢，徑須沽取對君酌。 五花馬，千金裘， 呼兒將出換美酒，與爾同銷萬古愁。</p>	

小朋友，每背熟 1 首，請家長簽名，背熟這 11 首韻文，再讓圖書館關主抽背 4 首過關，就可得到 1 張獎狀！

教務處

○ 過關，準備領獎囉！

○ 不氣餒，再加油！

關主: \_\_\_\_\_ 年\_\_\_\_月\_\_\_\_日